


澎湖廳志

地 320
139
部 = 1 + 12



彭湖廳志

彭湖廳志

一九五八年南京古旧
書店據鈔本謄印

胡氏紀畧舊序

巡臺御史錢

琦 璣 沙

由廈門海道七百二十里至臺灣而澎湖扼其衝澎湖四面距海無所不通在臺灣之西凡五十五嶼與有居民設文武官副將通判治之遙屬臺灣蓋其地錯出海面盤踞無幾而據海道之咽喉與金廈二門遙相犄角實形勢之最也往年

王師平鄭氏及朱一貴之亂皆駐跡於此而時既昇平海疆富庶官賈臺灣者相望往來之艘皆泊澎湖其水道曲折風潮占候及民俗土宜政事沿革宜皆有書向時附見臺灣志中舉大意而已未能詳也今通判三水胡君示余所著澎湖紀畧一書余讀而深嘉之蓋近日所傳星槎勝覽瀛涯雜志言海事者類皆搜尋怪異不

胡氏紀畧舊序

切民生日用至內地郡縣之志所陳多民事矣而時因仍吏牘諺語猥雜無紀或取辦眾手前後乖舛者有之是書提綱挈目部署編次悉中條理而天時地利氣候不齊一一圖注取海道者時有資焉至於述民生之勤若叙

王化之漸深咨嗟咏嘆之意見於言外所以宣

上德而達下情固為吏之道宜爾亦文字之勝概也歲

庚午余奉

命巡視臺灣由澎抵臺道途所歷閱是書一一如在目前時方兼督學政歷試四縣頗異臺處海外而士多秀出其能文者有中土風獨澎湖無聞焉今書述澎湖士入學者至十餘人則知

國家文教久而益昌我
皇上壽考作人之化無遠弗届無微不至燭宇內淪浹矣
夫事有舉一隅而可以見全體者此類是也余與胡君
同官斯土雖職有崇卑而事惟一致每念承流宣化責
任重鉅自顧恆慄慄焉惟以欣逢
聖時民安物阜中外同風一切張弛俱稟
皇靈以從事其庶幾可以無隕越也夫是為序

臺澎兵備道蔣允焄

古之善治者每務乎其大而籌乎其小所不及備迨臚所
措施往往立言不為一時而收效期諸數世此豈括地
家所能涉筆哉則如勉序胡公所撰澎湖紀畧是已澎
湖為臺郡郭郭別駕分駐其地有司土責故事遘內吏

胡氏紀畧舊序

二

之廉而能者昇焉而君實膺是職既涖三閩歲凡所為
奠昫業詰澳慮整懋遷程誦肄諸大端靡弗張舉於編
中窺崖畧焉下逮勺泉孟井亦必辨其齡列而識其所
在其用意周而籌綦脩矣昔歐陽文忠公作唐書地理
志凡一渠之開一堰之立無不記於其縣之下論者謂
其詳而有體君治得是意歟夫以環瀛絕島粲然瓏索
又得賢通守精心擘畫所措旒其有本末而復以公餘
研成一書義例井然持論精卓足使後之司是土者資
所考鏡是真合古之善治者余故樂為之序乾隆庚寅
歲春三月
臺灣府知府鄒應元

在昔志輿地者率祖禹貢周官嗣是扶風叙為史體而

別於史者則有辛氏三秦處環華陽國以及三輔黃圖諸書其分志體之一者則又有洛陽伽藍建康宮殿襄陽耆舊汝南先賢諸書至若十洲洞冥真臘佛國之屬又述其支別而恢詭焉者夫奇編異記掌錄區隄其發凡起例要無當於通都大邑所撰者然郡善長注水經往往取才於二百四十四家豈非擷其菁華現其輪廓足以徵故實而廣聽睹且於其因革離翕土宜風俗之故有不失禹貢周官之遺而一為甄錄歟臺郡之有澎湖海上一島也宛溪氏謂險要而好遊莫如此島信然往時隸省不一

國朝康熙二十三年始定有其地屬臺郡雍正五年設別駕於此資稔壓焉夫五服有要荒謂要荒自不可

三

胡氏紀畧舊序
以內治治也今澎湖隸版圖近百年宅其土者戶籍日增絃歌四徹環巨浸為樂國於此境覘之是其因革離翕土宜風俗之未可以恢詭載筆也可知已僚友胡勉亭先生以通守駐斯境三施於茲矣境之士庶樂其治先生亦以清暇排纂澎湖紀畧一書凡十二卷既藏事郵以示余余率業服其掌錄區隔體例一準乎通都大邑而事核而肯潔舉所為矜奇炫異者蕪蕪之在先生紀畧名書若以為述其支別也者而史裁脗合於是乎在夫禹貢以敷奠挈綱周官以敷浸標目畧云乎哉莫備於此矣志輿地者尚津逮斯編也可

翰林院庶吉士朱仕琇梅崖

澎湖紀畧十二卷三水胡公通判澎湖時所著也公以

名進士歷知五縣皆有惠政且以振興文教為已任由
閩邑陞判澎湖澎湖在海中居民僅數千家小島也實
為臺廈咽喉要地故任公以鎮撫之公官澎湖五載公
餘之暇因成此書書中述澎民為生之苦地無草木率
以牛糞為薪男女相守鰥井之上後先序飲以救旱渴
早夜嗷嗷然其言咨嗟太息曲盡情態令人愀然不忍
卒讀又載市肆區目致意守土者之加惠商人招致其
來以給居民之用其用心惻怛籌畫周至如護惜弱子
惟恐傷之詩所云民之父母者矣至於祛除鄙僂開牖
闡洵尤尚文教公創建書院條設學規教以人倫分別
義利勗之躬行以志為賢人君子非僅與藝取科第榮
名而已嘗曰十室之邑必有忠信斯地雖小安知後不

胡氏紀畧舊序

四

有邱文莊海忠介其人者出哉識者因是知公所思之
遠待世之厚彷彿古人無數之義而文翁常哀不得專
美於前也澎士赴試臺灣多憚遠涉風濤以致皓首窮
經不得預童子試者公詳請列憲就澎考試送道免其
縣府兩試守候之苦科歲二試獲僑入學者十有三人
澎之文風實公開之也蓋都會閩津四方之要區官其
地者知置力焉至於海外邊徼跡遠京師見謂不足觀
聽急而自棄者有之或地瘠風陋愁憂無聊朝夕俟代
而已公所云乃一一可書如此蓋論語曰出門如見大
賓使民如承大祭故所在無怨也公其深體此意也乎
紀志體本史氏繁者病於猥雜取簡又傷太畧公是書
皆無之法嚴事覈情文並美蔚蔚彬彬是又著述之義

者矣余得并論之云乾隆三十四年季夏

蔣氏續編舊序

與泉永道周

凱芸舉

方志之體當用史法政治禮樂法度賢臣義士孝子順孫節婦之行莫不賅舉不當僅仿圖經志地理伊古云然澎湖大海一島康熙二十三年始入版圖毫無故實前別駕胡建偉偶為紀畧一書分十二紀一事之微詳載原委不屑其詞之委瑣繁重者以澎地初闢書籍無聞藉為士民教也故不稱志稱紀畧道光十二年春余奉檄賑恤澎湖涉歷澳嶼適覽形勢土地確齊漁釣為生者半而海道險峻扼臺灣之要衝為全閩之外捍有澎湖則臺灣如在掌握中

胡氏紀畧舊序

五

澎湖地環衛可二百里擅三十六嶼之勝文獻通考謂水至澎湖漸低海國間見錄云澎湖島三十有六而要

在媽宮西嶼北港八罩四澳尹士浪志畧云澎湖島嶼錯如螺髻其大而最中者曰大山嶼其羅列於前者有虎井金鷄六嶼其錯落於大山嶼之後者有奎壁吉貝等九嶼其旋繞於大山嶼之右者有金山月眉等十五嶼其列衡於大山嶼之左者有東西吉十八嶼總澎之嶼四十有九今考紀畧則五十有五嶼焉舊云三十六

島蓋舉大概言之是地理形勝有足稱者加以

聖教誕敷休養生息二百餘年日以蕃衍其不可無書以志之審矣今於撫恤之餘既就見聞賦為歌詩有蔡生廷蘭者澎士之秀也以刺史蔣君所輯續編進卒讀

之載紀畧以後六十餘年事脩胡君所未脩足為修志者之資取而稱之命付諸梓蔣君問序於余因為書之卷端道光十二年歲次壬辰三月之吉

澎湖通判蔣鏞

澎湖自三水勉亭胡君纂著紀畧原原本本比諸志乘自後歲紀一周編序缺如嘉慶丁卯臺邑修志以澎湖設廳已有專轄止載初置巡檢數人以存舊蹟其他概不之及若再不及早補修久而愈難余承乏八載政拙才疎每欲續輯焉而未逮戊子仲春鄧菽原郡伯蒞任海東諄諄以郡志為囑通頒條目遍告紳耆各屬稱善余亦邀集澎地諸生採訪事宜共襄厥事眾皆欣然適值秋歎未遑竣事今春復奉旨保閩浙總督孫公巡撫

胡氏紀畧舊序

六

韓公藩憲程公先後檄飭各府廳縣續修通志頒發規條俾資採輯由省延請名宿設局纂輯誠一時盛舉也夫倡率遠近與修廢墜者官之任也宣

上德而達下情有士之責也茲以各大憲及郡伯留心文獻下訪殷殷余也忝職澎陽與士民相親近而顧因循懈忽不悉心蒐羅共相考訂致使學校人物德行道藝忠孝節烈之事可為觀感興起者湮沒而不彰其何以宣

上德而達下情耶顧自維譎陋不能兼作吏之才而此地諸生率多寒士弗克捐貲延請博雅督輯成書爰循紀畧十二門先後次序每條自乾隆三十五年以後凡有因革損益皆續載焉其無異者不復贅述自知庸俗

之譏在所不免且恐搜求未徧軼事尚多博訪遐搜集
思廣益尚冀諸生相與補輯無遺無遺以期傳信後世
即名之曰紀畧續編也可將來郡志通志亦得附入以
備採擇焉是為序道光九年歲次己丑孟夏月

署澎湖通判烏竹芳

環澎湖皆海也崗陵聳峙港道紛歧其間物產之奇民
風之厚大畧與中州相等蓋天之鐘毓不限於遐方也
澎湖自康熙二十三年收入版圖始置巡檢繼改設通
判一切土俗民風山海物產學校吏治皆缺畧未有成
書自前廳三水勉亭胡君精心採訪彙為六卷曰澎湖
紀畧詳且盡矣但歷年既久今昔改觀居民日以熙攘
海隅漸以式廓舟楫紛來商賈輻輳其市廛之氣象大

胡氏紀畧舊序

七

異於疇昔而且人文蔚起秀士挺生碩德義士節婦烈
女卓卓著明於閭里者不可勝數使弗博採而類誌之
則苦心孤詣相節松操之美皆湮沒而不彰誠為採風
問俗之一憾余以庚寅之冬來守斯土入其境地以關
問其俗質以醇與各諸生接亦皆有蒸蒸日上之風至
詢及修志一事莫不凜遵憲訓廣為採訪不遺不忘一
一而謹誌之余不揣固陋同憚葑蔣君纂修釐定細心
考核彙為續編俾海山之盛井里之美民俗之醇物產
之異披閱一過了然於指掌之間而且忠孝廉節永傳
不朽使後之覽者歷舉其名而指之曰某也忠某也孝
某也廉某也節於以表勵末俗式訓頽風豈不休哉故
謹著為序道光十年歲次庚寅仲冬

蔣鏞

已丑歲余纂澎湖續編原以胡君勉亭著紀畧後歲逾周甲不加補輯將來搜索愈難爰與有志諸生採訪編訂以待博雅名公督輯成書非敢以付剞劂也壬辰春興泉永道富陽芸舉周公按臨督辦賑務體察輿情與衿耆接見詢民間疾苦有蔡生廷蘭進詩為地方求加賑公曉以義例唱和酬答民心安慰按鄉散給口糧災黎俱沾實惠嗣蔡生復出澎湖續編稿呈覽公披閱之下詳加評正命余亟錄鏤刻余維志書之作原為顯微闡幽信今傳後必有裨於地方風化以待軒輶之採澎地僻處荒島士民中鄉行節孝頗知觀感興起此外別無表見即蒞茲土者如勉亭建白不可多觀余承乏十

胡氏紀畧舊序

八

載亦碌碌無所展布續編之作不過使鄉行節孝諸人流傳閭里弗至泯滅不彰耳言之無文行之不遠茲蒙公虛心汲引不遺人善加之筆削爰謹錄督辦賑務時與蔡生唱和諸作所以為澎民興養立教者無不畢具既又錄蒞澎雜咏及同時勘賑諸君與余暨蔡生諸作以付之仍呈公削正付梓是編也得周公之名與周公之著作而益顯澎之士民得周公之歌諷互相勸勉由是風俗日醇士習日振人文蔚起其在斯乎是則勸之幸亦余之幸也夫道光十二年壬辰仲夏

澎湖廳志總目

卷首

皇言錄

凡例

二十六則

卷一

封域

卷二

規制

卷三

職官

卷四 賦役

澎湖廳志總目

卷五

文事

卷六

武備上

卷七

武備下 海防

卷八


風俗

卷九

物產

卷十

人物上



卷十一

人物下列女

卷十二

舊事

卷十三

藝文上


卷十四

藝文中

卷十五

藝文下

澎湖廳志總目



澎湖廳志卷首

纂修姓氏

鑒定

二品頂戴按察使司銜臺澎兵備道兼提督學政劉璈
臺 灣 府 知 府

監修

提舉銜即補通判署澎湖糧補海防通判蔡麟祥澄海人
補用同知署澎湖糧補海防通判洪其誥山東人
運同銜 賞戴花翎澎湖糧補海防通判鮑復康

總輯

舉 人 主 講 文 石 書 院 林 豪廈門人

總校

澎湖廳志卷首

舉 人 大 挑 二 等

郭鶚翔本廳人

增 廣 生

陳維新

總辦志局事

蔡玉成本廳人

生 檢 案

王祖德嘉州人

軍功五品頂戴謝鴻恩
人本廳

廩膳廣生員薛元英
人本廳

洪捷元
許晉纓
洪純仁
黃濟時
陳錫命
林維藩
蔡時文
李煥章
呂作甘

澎湖廳志卷首

軍功五品頂戴
洪清奇
徐癸山
許家修
陳澂元
蔡榮賢

記名提督福建海壇總鎮前勇彭巴圖魯鎮吳奇勳
人合浦
澎湖協標左營都司郁文勝
人江蘇
澎湖協標右營都司蘇桂森
人廣東
澎湖協標左營千總吳宗泮
人南澳
侯選通判加提舉銜黃步梯
人本廳
附貢生理問銜
生黃廷儀
生陳廷達
附貢生理問銜
生陳斯文
太附貢生理問銜
生陳斯文

澎湖廳志卷首

皇言錄

澎湖島為海上偏陬附於臺灣郡邑

編音鮮專及者郡乘載康熙五十二年收入版圖時
聖祖仁皇帝親叙原委為文懸於 天后廟今考澎湖

無之惟敬錄

御祭湄洲 天后聖母文以有闕澎湖掌故也

高廟軫念島民苦累

詔除私派漁規千餘兩一時歡聲雷動如釋重負今則
歷年既遠老成凋謝罕能深道其詳者蓋

太平之日久矣道光咸豐間賊兩為災屢行賑卹而
文廟垂念災黎慮其生計未足猶且殷殷下問疊沛

澎湖廳志卷首

殊恩有加無已吾儕獲生今日雖陬筮赤子皆在

聖人懷抱之中撫摩而休養之何其幸也茲編謹錄

諭旨回道皆傳及斯土者弁於首卷以永志

覆憐之恩垂示萬世云其為全郡及閩省之事則有府
志通志在茲不贅

康熙二十三年

御祭護國庇民妙靈昭應宏仁普濟天后聖母又
國家茂膺景命懷柔百神祀典具陳罔不祇肅若乃天
沐滋至地紀為之効靈國威周張海若於焉助順屬三
軍之奏凱當專譯之安瀾神所憑依禮宜昭報惟神鍾
靈海表綏奠閩疆昔籍明威克襄偉績業隆顯號禋享
有加比者慮窮島之未平命大師之致討時方憂旱光
澤為祐神寶降祥泉源驟湧因之軍聲雷動直搗荒陬
艦陣風行竟趨巨險靈旗下颺助成破竹之功陰甲排
空遂壯橫戈之勢至於中山殊域冊使遙臨伏波不與
片帆飛渡凡茲冥佑豈曰人謀是用遣官敬修祀事溪

澎湖廳志卷首

二

毛可薦黍稷惟馨神其佑我家邦永著朝宗之戴眷茲
億兆益弘利賴之功惟神有靈尚克鑒之

乾隆二年

上諭朕查閩省澎湖地係海中孤島並無田地可耕附島居民咸置小艇捕魚以餬其口昔年提臣施琅倚勢霸佔立為獨行每年得規禮壹千貳佰兩及許良彬到任後遂將此項奏請歸公以為提督衙門公事之用每年交納率以為常行家任意苛求魚人多受剝削頗為沿海窮民之苦累着總督郝玉麟宣朕諭旨永行禁革其現在捕魚船隻飭令該地方官照例編號稽查辦理此項陋規既經裁除若水師提督衙門有公用必不可少之處着郝玉麟將他項銀兩酌撥數百金補之

道光十二年奉

上諭上年澎湖地方旱極歉收又颶風晚收更減業經

澎湖廳志卷首

三

該道判借給義倉錢文以資糊口並與泉永道帶銀同臺灣府解往著錄銀錢除該道平慶等捐廉歸補銀三十兩外其實在動用若干同給過丁口名數着照例造冊咨部核銷撥項歸補所借義倉錢文應俟本年秋收繳還至捐輸民人陳均哲等著照例獎勵所有澎湖廳應徵道光十二年分地種取網滬繒等項錢糧又一年未完下忙民欠銀兩着加息准其將舊糧緩至本年秋穫後征收本年錢糧着緩俟道光十三四兩年帶征以紓民力欽此

咸豐元年十月奉

上諭恒格除宗幹奏查勘澎湖災民撫卹完竣並請緩徵一摺福建臺灣府屬澎湖地方本年三月間風霾鹹